



REMETIDO

“Divide and conquer” ta e estrategia cu ta wordo aplica contra San Nicolas Na e grupo di De Vuyst cu no a compronde nan tactica

Ta un realidad berdad cu tur bario tin nan aspectonan bon, y tambe nan aspectonan menos bon. Pero tambe ta berdad cu San Nicolas sa wordo tilda di hopi cos cu por wordo evita tambe si nos pensa un tiki hunto y stop di laga mal indoctrinacion sigui sofoca nos y pone nos mes contra otro. Un grupo yama comision De Vuyst cu a Sali na defense di su yiunan pa motibo cu ami, Antoni Gario a expresa na radio cu De Vuyst tin zware jongens y cu cos “por” sali f’oi man cu Calypso contest pariba den nan cas. Ta asina cu De Vuyst tin mas bien mas di “Body guardsnan” di San Nicolas ta biba y nos tur aki riba sa cu ta mihor pa bo ta un amigo di De Vuyst y no un enemigo, punt uit!

Na otro banda si cu hasta si nada no pasa mes di parti di De Vuyst, toch tin basta bario cu tin “algo” contra e De Vuyst boys y cu lo ta un oportunidad perfecto pa hecha baina aya riba durante contest, pa e culpa wordo tira riba De Vuyst, style di “get even” cu nan pa “whatever” problema bieu cu a wordo forma anteriormente. Shonnan, dolor di cabes ta cos di haya, no busca! Lamentablemente tin hende den Comision De Vuyst cu no a pensa un tiki mas leu prome cu lansa critica den mi direcshon ta net locual e system kier wak, un San Nicolas dividi (manera semper). Ami, Antoni Gario nunca a laga De Vuyst afor di ningun desaroyo di mi of di San Nicolas si en

caso “Comishon De Vuyst” no tan a altura. Semper cu mi Sali cu un T-shirt nobo, number di De Vuyst ta riba dje CLAVE! Den mi shout outs (saludo pa diferente bario) semper De Vuyst ta den. Ami sa e balor di tin un Role model ora bo lanta sin tata of den un Internaats y den mi e De Vuyst boysnan tin esey. E respet cu nan a muestra mi durante mi carera musical completo, te awor, ta solido y ningun Comision na mundo por kibra esey. Hopi intento mi a hasi pa uni e barionan aki riba, manera poniendo De Vuyst, La Vilage, Rooi Hundo y Beverly Hills hunto riba un Camisa di Carnaval. Bo mester conoce bo cura di cas asina bon sikiera pa bo por cana anochi tambe sin

trompica. Un tin un alma mas contento cu SAC awor cu e atencion a bay den e direccion aki, pa asina kita e presion di riba nan lomba cu nan super mal decision di pone Calypso aya riba, pero tempo lo indica si nan ta fayando si of no. Hopi biaha nos ta dicidi cos pa mal motibo y Sali malo na final cual kizas ta e intencion unico di SAC den tur esaki, pa e evento bay ‘no mucho bon’ pa despues tin un motibo di hib’e pabou manera tabata e caso cu Calypso di mucha cu NUNCA MAS A BIN BEK Ariba despues cu Sra Tecla, (madrina di CD di Le Groove por cierto) a bisa cu e evento lo bin bek ariba despues di un año, boodoow!!!!!!!!!!!! Nunca

mas. Awor atrobe ta core firma acuerdo di 225 mil florin si un hende kibra e contract di Lago Heights. Pa termina, ken por kere cu e containernan y e trabou pa pone nan y hiba nan bek ta “sponsor” Hallooooooooo?? Na fabor of dark deals e cos ey ta Sali SAC mas cu sinta na mesa y yega na un acuerdo cu ASU, wan’na bet? Pero ya, ta forma di traha di cada ken y ken ta sufri? Carnaval di Aruba, su cultura y San Nicolas.

Antoni Gario

Nota di Redaccion: E remitido aki ta wordo publica riba peticion di un lesado di Bon Dia Aruba. Bon Dia Aruba no ta responsabel pa e contenido.